

Nuna Tamakkerlugu Ilitsersuisarfik Februari 2021

NUTAARSIASSAT



Saqqummiussaq siulleq





IMARISAI

FEBRUARI 2021

- 04 Marsip ulluisa aallaqqaataat qinnuteqarfissaq kingulleq
 - 05 Inuusuttut ilinniagaqarnissamut piareersimappat?
 - 06 Naalakkersuisumit pulaarneqarneq
 - 07 Angalaneq ataatsimiinnerillu
 - 08 Aqutissiuussisutut tunngaviusumik ilinniartitaaneq (VGU)
 - 09 eVejlledning
 - 10 Qinnuteqaat qarasaasiakkut immersugassaq
 - 11 Ilinniartunik siunnersuisarfimmit nutaarsiassat
- 
- 

UKIORTAAMI PILLUARIT!



2021-ip qaammatai siulliit marlungajaat ingerlareeraluit nutaarsiassiissut una ukioq manna siulliummat, aqqutissiuussisut tamassi ukiortaami pilluaritsi. Ukioq 2020 nalinginnaasumik aallartikkaluarpoq, marsimili suut tamarmik allanngorput ukiullu sinnera pisarnermit allaalluinnarluni. Kikkut tamarmik suleriaatsinut nutaanut naleqqussartariaqarsimapput.

Nuna Tamakkerlugu Ilitsersuisarfimmi (NTI) qitiusumik sullissiviunerput sammisallu attaveqatigiinnik, katersuunnernik, nunat illoqarfiillu akornanni angalanernik ilaqarnerat malugisinnaasimaqaarput. Tas-sanngaannarmi suliassagut tamarmik tulleriarlutik unitsikkallarnerqarput. Digitalimik ingerlatsisinnaanerulerneq ilinniartariaqarsimavarput, 2021-imilu suliginnaneqarnerulissaagut.

Ukiaq tamaat oqaloqateqarnissamik utaqqisut amerlasoorujussuunerat Ilinniartunik Siunnersuisarfimmit misigineqarpoq. Tamannalu Qaqortumi, Nuummi, Sisimiuni, Aasianni Ilulissanilu immikkoortortani tallimaasuni tamani atuuppoq. Sumiiffiit ilaanni qaammatit marluk pallillugit utaqqisoqartarpoq. Tamannalu coronap ajornartorsiortitsineranik mattussinerup sunniutigisinnaavaa. Ullumikkut utaqqisut ikittuinnaarput taamaammatt ilinniartuutisi www.aqqut.gl -imi immersugassaq aqqutigalugu Siunnersuisarfimmi oqaloqateqarnissamut qinnuteqartinniarsigit.

Ukiumut matumunnga pissanganartumut qilanaarpugut. Tamatuma peqatigisaanik sammisatta pisarnertut ilisinniarnertat ilutigalugu, inerisaanermut atatillugu iliussissat nutaat pilersaarusiarpagut. Taakku annertunerusumik paasisaqarfiginissaannut qilanaassaasi J

Atuarluarisi! J

Aaqqisuisutut attavissaq

Nuna Tamakkerlugu Ilitsersuisarfimmit saqqummersitaq

Aaqqisuisutut akisussaasoq: Christine Tønnesen,
chto@aqcut.gl

Layout: Kristian Aagaard, kraa@aqcut.gl

Nuna Tamakkerlugu Ilitsersuisarfik

Imaneq 24A, 1. og 2. sal

3900 Nuuk

Emaili: nti@aqcut.gl

Oqarasuaat: 345850

aqcut.gl



1. MARTS QINNUTEQARFISSAQ KINGULLEQ

Nunatsinni ilinniartitaanerit amerlanersaanni Danmarkimilu ilinniartitaanernut kalaallinut qinnuteqarfissaq kingulleq tassaavoq marsip ulluisa aallaqqaataat. Qinnuteqartut tamarmik qinnuteqaatertik www.sullissivik.gl aqputigalugu nassiutissavaat.

Majorissat ilaasa qinnuteqarfissatut killiliussap tungaanut sivisunerusumik ammanerat maluginiarsiuk. Amerlanerillu qinnuteqaamminnik nassiussisinnaaqqullugit sumiiffiit ilaanni qarasaasianik amerlanerusunik ikkussuisoqarpoq.

Taamaattorli inuusuttunik inersimasunillu aqputissiuunneqarusuttunik qinnuteqarnermi immersugassat pillugit ilitsersuineq naammanngilaq.

Ilinniakkamik eqqortumik toqqaanissamut inuusuttunik inersimasunillu aqputissiuussineq pingaaruteqarportaaq. Ilinniakkamik toqqaanissamut inuusuttunik aqputissiuussinermut atattillugu unammilligassaqarussi, eVejlederimit ikiorserneqarnissaq aqputissiuussisutut ilissinnut periarfissaavoq. eVejledningi ataasinngornermiit sisamanngornermut nal. 19-imiit 21-imut ammasarmat inuusuttut inersimasullu eVejledningimik atuinissaannut kaammattoqunaqaat.

Apeqputit tamarmik uunga saaffiginnissutaasinnaapput <https://aqput.gl/evejledning/>

Sermitsiami ilinniartitaaneq pillugu ilanngussa, ilinniartitaanerit pillugit pitsaasunik ator-neqarsinnaasunillu paasissutisiisoq, soorunalumi allaaserisanik pissanganartunik imalik paasiniaaffigeqqunarportaaq. Sermitsiami ilinniartitaaneq pillugu ilanngussa attavik una ator-lugu akeqanngitsumik pissarsiassaavoq: <https://en.calameo.com/read/00077519419e3caf92d3d>

INUUSUTTUT ILINNIAGAQAARNISSAMUT PIAREERSIMAPPAT?

Ataani nalunaarsukkat uannga aaneqarput: www.eva.dk

Eqqaamasassatut nalunaarsukkat: Inuusutut amerlanerusut ilinniagaqarnissaannut piareerni-
araanni pisariaqartut tassaapput:

- Ataasiakkaanut naleqqussaaneq
- Ilinniagaqassutsikkut piginnaasanik nukittorsaaneq
- Inuttut nammineq inooqataanermilu piginnaasanik nukittorsaaneq
- Ataqatigiinnermik pilersitsineq malitseqartitsinerlu
- Ilinniakkamik toqqaanissamut piukkunnarsaaneq
- Ilinniagaqarnissamut piareersimaneq ineriartortuuvoq
- Ataatsimoorluni iliuuseqarnermi peqataasunik tamanik akiusussaaffiliineq
- Ilinnialernissamut piareersimanermik naliliineq (UPV) pillugu attaveqatigiinnermi kin-
guneqarluartitsineq
- Atuarfimmi aqutsisunik aqutsisutut inissiineq
- Sukumiisumik pilersaarusiornissamik ataqatigiissaarinissamillu isumaginninneq
- Angajoqqaanut ilinniartunullu ersarissuuneq

Immikkoortut ataasiakkaat nalaanni allassimasut allat uani annertunerusumik paasisaqarfi-
gisinnaavatit: [https://www.eva.dk/ungdomsuddannelse/tjekliste-saadan-bliver-unge-
uddannelsesparate](https://www.eva.dk/ungdomsuddannelse/tjekliste-saadan-bliver-unge-uddannelsesparate)



NAALAKKERSUISUMIT PULARNEQARNEQ

Naalakkersuisumit pulaarneqarneq Ilitersuisarfimmut pissanganartuaannarpoq.

Naalakkersuisoq Katti Frederiksen 2021-imi februaarip ulluisa tallimaanni ilitersuisarfimmut pulaaqqaarpoq. Aqqutissiuussinermut tunngatillugu Naalakkersuisumit akisussasumit pulaarneqarneq Ilitersuisarfimmut nuannerluinnartuuvoq. Ilitersuisarfiup pisortaa Christine Tønnesen Ilitersuisarfiup ineriartornera periarfissallu tunngavigalugit Ilitersuisarfimmi suliassat pillugit saqqummiussivoq.

Aqqutissiuussinermi suliassanik, atuinissamut periarfissanik kiisalu aqqutissiuussineq pingaarnersiugaalluni atorluarneqarpat inuiaqatigiinnut iluaqutaaneramik ilisimasaqarnerulernissaq Ilitersuisarfimmi suliniutaavoq.

Aqqutissiuussinermut tunngasortaa suli nutaajungaatsiarpoq taamaammallu suli suliassarpasuaqarluni. Tamanna aamma aqqutissiuussinermut atatillugu suliniutinik naliliinermi innersuussutinit takuneqarsinnaavoq. Taamaammat nunarput tamakkerlugu iliuuserisanik pitsanngorsaanissaq inerisaanissarlu suli piumasaqaataapput.

Ataatsimiinnermi Ilinniartunik Siunnersuisarfiup qanoq inissisimanagera ilinniartitaanermullu tunngatillugu qanoq pingaaruteqartiginera oqaluuserineqarputtaa. Ukiarmi illoqarfinni ilinniarfinni ilinniartunik siunnersuisartulinni tallimaasuni amerlasuunik utaqqisoqarnera takusinnaavarput, Ilinniartunilli Siunnersuisarfiup ilinniartunik ataasiakkaanik oqaloqateqarnissaq kisiat ukkassinnaasimavaa. Siunissamili ilinniarfinnut qaninnerunissaq, taamaalilluni Ilinniartunik Siunnersuisarfiup ilinniartitsisut aqqutissiuussisullu qanimut suleqatigalugit, ilinniakkamik taamaatitsiinnartarnermik pitsaaliueqataasinnaaneratqaaq kissaatiginarpoq.

Ilitersuisarfik inuiaqatigiinnut iluaqutaanerusinnaaqqullugu Naalakkersuisumit pulaarneqarneq oqaloqateqarnerlu iluaqutaavoq.

ANGALANEQ ATAATSIMINNERILLU

Aqutissiuussinermut inerisaanermullu immikkoortortaq Ilinniartunillu Siunnersuisarfik ukiaanerani ukiuuneranilu illoqarfinnut arlalinnut angalapput.

Septembarimi, oktobarimi novembarimilu Ilulissanut Uummannamut Maniitsumut Paamiunullu angalavugut.

Aqutissiuussisunut ilinniartunullu illoqarfinnut Siunnersuisarfiup aallartitaqarfiisa avataaniittunut, Siunnersuisarfiup suliniutaanik neqeroorutaanillu paasissutissiinissaq, angalanerni siunertaavoq. Inerisaanermi siunnersorti Jonna Therkelsen paasissutissiivoq NTI-milu eVejedningimik neqeroorut pillugu aqutissiuussisunik aqutissiuunneqarnianillu ilitsersuilluni. Tamatuma peqatigisaanik Jonna atuarfinni assigiinngitsuni, ilinniartunni Majorissanilu aqutissiuussisunik ataasiakkaanik attaveqatigiit ataatsimiinnerini oqaloqateqarnerni peqataavoq. Angalanernut atatillugu, peqataasunit pitsaasumik atorsinnaasumillu nunatsinni aqutissiuussinermik inerisaanitsinni ataqatigiissaarinitinnilu ilanngussassanik isummersorfigineqarlutalu paasissutissinneqarpugut.

Upernaap ingerlanerani angalanerit oqaloqatigiinnerillu nanginniarpagut maannalu marsimi aprilimiluunniit Narsamut, Nanortalimmut Qaqortumullu angalanissat taakkunanilu ataatsimiinnissat pilersaarusioneqarpugut.



VGU

Novembari qaammat aqutissiuussisutut tunngaviusumik ilinniartut nutaat aallartipput. Eqqortumik oqaatigalugu siuliani angalanernik killilersuinerit atuuttut pissutigalugit holdit nutaat marluk aallartipput.

NTI-mi pissutsinut naleqqussarsimavugut taamammallu holdit nutaat modulimi siullermi-ilaatigut ataatsimoornani qarasaasiaq atorlugu peqataasut, NTI-meersoq peqatigalugu katersuullutik Lisbeth Højdal ilinniartitsisoralugu aqutissiuussinermillu immikkut ilisimasalik teams-attavikkut peqataalluni aallartipput. Taama aqqisuussineq arlaannaannulluunniit pitsaanerpaajunngilaq, taamaattorli aqutissiuussisunik ilinniartitsinermik, pingaarnersiukkani salliuuneqartumittaaq ingerlatseqqissinnaanerput qulakkeerpeqarpoq.

Modulit pingajuanni Lisbethip peqataanissaata qulakkeernissaa iluatsipparput taamaalillutalu moduli pisarnertungajak ingerlallugu. COVID-19-ip periarfissani assigiinngitsuni arlalinni sulisinnaanissap pingaaruteqassusaanik ilinniartippaatigut, tamatumali peqatigisaanik ataatsimoorluni sunniivigeqatigiinnerup pikkorissaanermut, ilinniartitaanermut imal. aqutissiuussinermut pingaaruteqassusaa takutillugu.





EVEJLEDNING

Marsip ulluisa aallaqqaataanni ilinniartitaanernut qinnuteqarnissamut killiliussamut atatil-lugu eVejledningi februaari naallugu ataasinngornermiit sisamangornermut nal. 19.00-ip 21.00-illu akornanni immikkut ammassaaq.

eVejledningi aqqutissiuussisunut aqqutissiuutinnianullu neqeroorutaasoq mailikkut, chattik-kut, oqarasuaatikkut imal. Facebook-imi Messengerikkut attavigineqarsinnaavoq. eVejlednin-gi pillugu: www.aqqut.gl/evejledning -imi annertunerusunik paasisassarsiorit

QINNUTEQAAT QARASAASIAKKUT IMMERSUGASSAQ

Ukiup nikinnerani inuusuttut ilinniartut Ilinniartunik Siunnersuisoqarfimmi sullissisut arlaannik oqaloqateqarniarluni qarasaasiakkut qinnuteqarnissamut periarfissinneqarput. Qinnuteqarnermi immersugassap nittartakkami atorsinnaalernerata aqaguani Ilinniartunik Siunnersuisarfik qinnuteqaammik siullerpaamik tigusaqarpoq. Tamanna qinnuteqarnermi immersugassap atorneqarsinnaalernerata Ilinniartunik Siunnersuisarfimmit tamanut saqqummiunneqannginnerani pivoq. Tamatuma ilinniartut qarasaasiamik atuinnermut ikaarsaarnissamut piareersimanerat, qinnuteqarnermilu immersugassap paasilertorumnarsimanissaa ilimanarsisippaa. Misiligutinilumi qinnuteqaatinit nalaatsortumik toqqakanit isummorsorfiginninneq ajunngitsuinnaasimavoq: ”Naniuminarlunilu immersoruminarpoq” atuisup siulliup taama oqaatigaa.

Qinnuteqarnermi qarasaasiakkut immersugassami, ilinniartut pillugit paasissutissanik sukumiisunik qinnuteqaatip innersuunneqarnerani atorneqartussanik pissarsinissaq, Ilinniartunik Siunnersuisarfimmit siunertaasimavoq. Tamanna ukiup nikinneraniit ilinniartut Ilinniartunik Siunnersuisarfimmi oqaloqateqarnissamut akuerineqarnissaat, imal. neqerorummut ilinniartut ataasiakkaat ajornartorsiutaannut naapertuuttumut pitsaanerpaamut piaarnerpaamik innersuunneqarnissaat qulakkeerniarlugu, ataatsimoornermut peqataatitsinnginnermullu piumasaqaatit tunngavigalugit Ilinniartunik Siunnersuisarfiup sulisimanagera naapertuuppoq. Aqutissiuussisut siornatigut innersuussinermi immersugassamik pisoqqamik anillatitsinermut, immersuinnermut scannerinnermut mailikkullu nassiuussuinnermut piffissaminnik atuisimasut suliassatigut oqilisaanissaat siunertaavortaaq. Qinnuteqaat qarasaasiakkut immersugassaq aqutigalugu ilinniartut ajornartorsiorlutik aqutissiuussisumut attaveqarsimanngitsut, namminneq nittartakkamut angussinnaanissaat qinnuteqaammillu- allaat namminneq oqarasuaatiminniit nassiuussisinnanissaat, Ilinniartunik Siunnersuisarfimmit anguneqassaartaaq.

Kikkulluunniit ilinniartunik sullissisut, aqutissiuussisuniit ilinniartitsisunut najugaqarfinni perorsaasunut qinnuteqarnermi immersugassap ilisimannilernissaat innersuussinissallu Ilinniartunik Siunnersuisarfimmit kissaataavoq.

Ilinniartunik Siunnersuisarfiup qinnuteqarnermi qarasaasiakkut immersugassiaa uani pissarsiarineqarsinnaavoq: WWW.AQQUT.GL



PISORTAQ NUTAAQ

Nuna Tamakkerlugu Ilitsersuisarfimmi Ilinniartunik Siunnersuisarfimmi 2020-imi decembari qaammat Bjørn Noer tarnip pissusaanik immikkut ilisimasalittut pisortatut atorfinitsinneqarpoq. Bjørn tarnip pissusaanik immikkut ilisimasalittut nunatsinni Danmarkimilu tarnikkut nappaatilinnik sullissinermi ukiuni arlertuni misilitagaqarpoq, tamannalu sioqqullugu Danmarkimi inuusutunik sanngiiffilinnik suliffissanik ilinniartitaanermillu neqeroorfimmi sullissisimalluni. Bjørn tarnikkut nappaatinik ajoqutinillu assigiinngitsunik atituunillu katsorsaanermik misilittagartuujuvoq, tamannalu aqqutigalugu ilisimasanik Ilinniartunik Siunnersuisarfiup ilinniartunut neqeroorutaanik inerisaanermi atorsinnaasaminik katersisimalluni.



Bjørn suleqatigiinni pikkorissuni akuullualereerpoq, immikkoortortallu ilinniarfiillu illoqarfinni tallimani ilinniartunik Siunnersuisarfillit tikeraarsimalereerlugit. Bjørnip suliffeqarfimmi sulilluni aallartinnermini, Ilinniartunik Siunnersuisarfimmut ilinniartunik ataasiakkaanik eqimattanillu isumaginninnermik inerisaanissamut, aammali ilinniarfinnut siunersioqataanermik anner-tusaanissamut annertuumik periarfissaqarnera maluginiarpa. Tamatumani ilinniartut ataasiakkaat ingerlalluarnissaannik qulakkeerinissaq, aammali ilinniarfinnut ilinniarnermi ingerlalluar-nermik kiisalu ilinniarnermi avatangiisinik ilinniartullu akornanni ataqatigiinnermik nukit-torsaanissami ikiuunnissaq siunertaavoq.

”Suliffeqarfimmut ingerlalluaqisumut angusaqarluarussuseqarfiusumullu, nuna tamakkerlugu ilinniartunut ilinniartitaanermik pitsaanerpaatitsinissamik qulakkerinissamillu ilun-gersuuteqartumut pivunga. Suleqatigiit nukittuut nutaaliorsinnaassusillit siunnerfeqartullu akisussaaffigilerpakka, Ilinniartunullu Siunnersuisarfimmi nunatsiniinnaanngitsoq nunarsuar-mili tamarmi ilinniartunut neqeroorutit pitsaanerpaanut ilanngussinnaanerat upperaara.”

– Bjørn Noer, tarnip pissusaanik immikkut ilisimasalittut pisortaq.

eVejledningi

Inuit ilinniartitaanermut tunngatillugu aqutissiuunneqarnissamik pisariaqartitsisut ikior-nissaannut eVejledningip tamatigut piareersimanagera eqqaamajuk. Sukkulluunniit mailik-kut attavigisinnaavatsigut ullut tamaasa nal.10:00-imiit 16:00-imut oqarasuaatikkut oqaluussinissamut chatternissamullu piareersimavugut.



Ammasarfii/Ábningstider:
Ataa.-Tall./Man-Fre.: nal./kl. 10.00 - 16.00

Aqutissiuussisutut imminut nalunaarutigigit

Nuna Tamakkerlugu Ilitsersuisarfiup (NTI) nunatsinni aqutissiuussinermik ataqatigiissaa-rineq inerisaanerlu suliassaraa. Aqutissiuussisutut NTI-mut nalunaarutigigit mak-kununnga qaaqquneqassaait:

- Najukkani attaveqatigiit ataatsimiinnerannut, NTI-mit aqisuussassanut
- Qitiusumik immikkoortuni aqutissiuussisut ataatsimeersuarnerinut
- Nuna tamakkerlugu aqutissiuussisut ataatsimeersuarnerinut
- Aaqisuussinernut neqeroorutinullu allanut ingerlanneqarnissaat NTI-mit aqqisuun-neqartunut

UGGUUNA NALUNAARIT!

SULISUT



Christine Tønnesen
Centerleder



Thora Ludvigsen
Kontorleder



Kulunnguaq Korneliussen
Udviklingskonsulent



Pilo Samuelson
Afdelingschef, Udviklingsafdelingen



Jonna Therkelsen
Udviklingskonsulent



Kristian Aagaard
Ekstern IT-konsulent



Bjørn Noer
Chefpsykolog



Anja Strunz
Psykolog



Maliina Lyberth (langvarig orlov)
Psykolog




Ayla Grønvold Søndergård
Psykolog



Nivi Wille
Psykolog



Astrid Olsen
Psykoteraapeut



Freja Klein

Psykolog



Anja Linneberg

Psykolog



Ulrikke Kronvold

Socialrådgiver/psykoterapeut



Kathrine Fabricius

Psykolog



Theis Bertelsen

Psykolog



Sofie Sand

Psykolog



Dina Laumark Koren

Psykolog



Marcus Jacobsen

Psykolog